



12616

漁藩重刻胥臺先生集卷之七

七言近體

大駕還京五首

秋興六首

大漸二首

中興三首

駕出南郊

齋宿省署

候駕

集卷之七

七言制

出左掖喜雪呈少宰徐師

恭謁孝陵

朝陵三首

金陵懷古


大梁城樓作

謁岳武穆祠

泛洞庭

登匡廬山

陪大宗伯張公遊鳳凰臺遂宴西園尋教



次韻二首

元日宴都司

陪文太史脩禊桃花園

立秋日山樓觀雨

中秋日西湖舟宴

九日雨花臺諸僚友宴集

九日陳太守允揚邀登峴山

登大茅峯

觀碧巖瀑布泉

身之湖其下有田可買頗憶綵

舊卷之七

二

云之自無賢作此解嘲

湖上觀雨

桃花園

采香溼新庄

黃山草堂成

灌園作

詠白燕

池蓮

連理秋蘭

客去

同孫行人文會飲胡安定墓下

江寺副于春過飲橫塘莊遂同泛石湖

宿大司空安仁劉公山莊二首

宿施憲副聘之古朴樓

盧師陳卜居城東携酒相顧

卧病桃花園文太史期過訪詩以速之

過仲兄謝湖別業

伯兄携酒肆志園賞菊

夜飲仲兄山莊

卷之三民賦

樂卷下

三

尋江山別業

題孫秀才菰城別業

送天司徒鄒公歸湖南

送戴孟光宰金壇

送湯時敏謫官安慶

送南仁父守徽州

送人官南康

送人游洞庭

虜退二首

山中寄履吉

法華庵寄吳興諸友

度崑崙關寄馬侍御君卿

荅大司空劉公見懷

宗伯昭過訪辱詩奉荅

荅陳太僕魯南

荅蔡丈九達

荅履吉見懷

施憲副過宿列岫樓

奉次大司馬總督蔡公征黎二首

次文太史見寄

衡藩重刻胥臺先生集卷之七

明吳郡胥臺山人袁袞永之甫 著

長洲後學甥葵亭張燾蓋甫 校

大駕還京五首

霓旌曉發罷東巡，羽衛天行望紫宸。
黯黯風雲懸太白，闐闐鏡鼓翼鈞陳。
長楊校獵陪群后，岱嶽登封禮百神。
問俗陳詩重游豫，千秋詞賦鄙橫汾。

鞞韜彤弓親視師，凱旋十萬羽林兒。
山川暗警龍輿度，一輦輦移江右已通吳。
貢賦淮

大駕臺先生集卷之七

五

揚親規，一曰馬千年約鹽海，銅陵異

日悲

大駕喧傳戒北征，旌旗猶閃石頭城。
行宮鼓吹紛淮甸，馳道煙花接鎬京。
閭闔雲開宮扇影，鳳池風繞禁鍾聲。
千官鵠立朝班裏，縹緲爐烟望聖明。

朔方諸將本梟雄，附翼攀鱗易立功。
北去關河三面險，南來機杼萬家空。
運籌制勝聞司馬，玉戚金貂羨揔戎。
今日凌烟誰第一，我皇親為奏車攻。

江淮租賦古稱雄數歲征求苦不供士馬豈堪
勞餽餉倉箱何以備荒凶屯田久已思平糴銷
甲誰當復務農胡騎昨聞窺上谷急將漕粟轉
居庸

秋興六首

清秋抱病強登臺南國浮雲萬里來尺素亦隨
鴻鴈杳一尊難對菊花開風塵舉目山河異老
大傷心歲月催遙望金陵霄漢裡泠泠黃竹不
勝哀

月白霜清上庠感時懷抱更悲秋榆關烽火

不齊先生集卷之七

六

連邊徼溪苑芙蓉夾御溝天子征南親拜將
嫖姚專闔未封侯羯胡群盜猶猖獗轉餉征輸
盡可憂

塞上秋高胡馬肥材官羽騎救重圍受降城壞
人難到住牧河深事已非鹽課不登邊餉闕客
兵常借羽書飛文皇定鼎開天府獨石居庸
拱帝畿

南徐北固是揚州吳楚風煙動地秋四顧關河
今夕照八荒戎馬幾時休鐃歌奏凱喧川陸禁
旅專征衛冕旒三載巡遊車轍遍軍中時望大

刀頭

金陵自古帝王都 太祖開基孕寶符 王氣千
年盤日月 山河百二擁荆吳 宮城曲抱秦淮水
寢殿平臨玄武湖 寂寞遺弓龍去遠 宸遊今日
自歡娛

仙仗行宮舊內居 花間往往駐鸞輿 徒聞漢帝
橫汾曲 不見長卿諫獵書 天子射蛟開水殿
奚官牧馬遍郊墟 蒹葭首著秋無限 悵望燕雲
萬里餘

人漸二首

大齊書元帝集卷之七

七

南征北伐罷王師 淚灑千宮大漸期 慷慨輪臺
下詔日 淒涼玉几託孤時 白狼未受西戎貢 黃
竹愁聞夢澤辭 寂寞橋陵松梓裏 行人誰起雍
門悲

武皇仙駕已千秋 細草荒烟蔓廢丘 龍虎團營
新選士 金張邸第舊通侯 花深輦道萋萋色 水
咽宮墻曲曲流 往事蕭條都莫問 咸陽黃犬不
勝愁

中興三首

大明九葉中興年 憲廟諸藩親且賢 花迎羽

盖朝馳洛雲引旂常夜入燕代邸璽符同勸進
渭橋冠冕奉周旋蓬萊春日朝宗會獸舞嵩呼
望九天

紫禁青春拂曙開葱葱佳氣指三台臨軒詔出
宮花賜耕籍躬勤玉輅回即喜賈生宣室召更
聞司馬洛陽來遙想賡歌鳳池裡群工稽首詠
康哉

十道循行使者勞鳳御丹詔下雲霄山東挾杖
觀王化河北投戈歛聖朝疇昔尚方頻賜

予何時少府罷征繇留都根本開基地苦憶供

輸走百僚

駕出南郊

鸞輿曉出大明宮文武官僚扈從同衮冕遙瞻
九霄上旌旗如在五雲中笙鏞隱隱郊壇闕輦
路迢迢帳殿通殷薦禮成柴望畢天長地久歲
時豐

齋宿省署

大祀南郊卜孟春西曹齋沐集儒紳日長官舍
無公務鳥下庭階必使人岸幘彈碁殊不俗檢
書燒燭喜相親抽毫欲獻甘泉賦授簡慙非侍

從臣

候駕

仙韶廣樂半空聞
闔闔朝開鹵簿分
隊隊五花中
旣馬紛紛六郡羽
林軍行天警蹕
馳清道合殿
爐烟散綵雲
昧爽趨朝迎
法從光華親
覩聖明君

立春日早朝

青旂蒼輅轉東郊
剪綵裁花賜百僚
京兆獻春傳
木德天門頌
朔舞雲韶魚
迎淑氣窺泉脉
鶯囀和風變
柳條惟有農
祥協晨正
願因千畝降

鸞鏡

五日從游西苑應制

閩試

蘭官桂殿翠微中
鳳輦宸游引上公
鶯語巧隨歌管細
榴花嬌映御筵紅
長秋揆日分絲縷
侍女承恩戲角弓
魚藻萬年同宴鑄
甘泉欲賦未能工

出左掖喜雪呈少宰徐師

春空瑞雪舞縈迴
八表彤雲曙色開
明月猶懸馳道直
銀河疑瀉御溝來
上林入夜花如霰
黃內平明王作臺
無羨郢人歌獨步
願調商鼎和

鹽梅

恭謁 孝陵

高皇陵寢枕鍾山，長望宮車不可攀。
表裡關河環羽衛，歲時朝謁走鵝班。
雲中絳節虛無見，天上金燈縹緲閒。
王氣直連豐沛遠，神靈長繞滬湖還。

朝 陵三首

諸陵遠在京師北，帝遣祠官祭告來。
隧道陰陰連大漠，仙宮杳杳閉蓬萊。
玉魚葬地悲難盡，龍馭賓天去不回。
紫塞黃雲千萬里，雍門西望使人哀。

使人哀

七聖衣冠宅兆同，左包遼海右雲中。
金輿玉几開前殿，太乙鉤陳儼後宮。
陵寢萬年凝王氣，松楸落日 起悲風。
先朝侍從今誰在，密勿經綸有數公。

尚憶 文皇戰殺胡，我明功烈古來無。
關門虎

據雄三鎮守，衛龍驤走萬夫石獸隄。
魏窮制度

金滕詒翼闕，謀小臣稽首長陵下。
想像神

靈聚 昂湖

金陵懷古

古時王氣說金陵今代金陵是舊京鍾山作鎮
開天府江水為池抱石城廬龍觀裡花空發白
鷺洲前草自生六帝霸圖悲霧滅千秋 皇業
憶龍爭

大梁城樓作時有潞賊之警

飛樓百尺層城上極目中原感慨多天設潼關
包大華地分嵩嶽枕黃河西山寇盜悲多壘北
闕旌旗望凱歌日暮憑軒空涕泗幾時諸將罷
干戈

謁岳武穆祠

大梁先生集卷之七

七

朱仙當日恨班師地裂天傾宋室危百戰河山
空左袵千年松柏盡南枝江潮夜月英魂現禾
黍秋風故國悲和議祇談秦相失燕雲先已棄
遼夷

泛洞庭

曉發江潭下洞庭樓船上坐揚舲中流雪浪
茫茫白兩岸雲山點點青楚客掛冠歸夢澤漁
人吹笛和湘靈岳陽樓上須沉醉盡典朝衣忍
獨醒

登匡廬山

迢迢廬嶽近天都萬丈丹梯鳥道孤樹裏泉聲
飛瀑布空中烟霧起香鑪峯形下瞰蓮花嶺江
勢遙吞彭蠡湖白鹿仙巖何處是却看五老在
虛無

陪大宗伯張公遊鳳凰臺遂宴西園辱

教次韻二首

春遊相賞鳳凰臺晴日江山四望開歌舞空憐
遺事往登臨無復昔人來緣岡踈竹迷朱檻曲
水飛花逐羽杯共羨上公傳郢調誰云詞客有
仙材

不刊堂文集卷之二

三

蘭堂桂館列清尊飛蓋華軒集上園四座笙歌
爭選部幾叢花竹自成村江梅破臘香風度簷
鳥鳴春麗日暄秉燭夜遊方未已鳳城鍾鼓報
初昏

元日宴都司

喜從元日宴華堂莫問新春客異鄉殘雪漸消
莫試綠炎風初轉柳窺黃椒花竹葉同隨俗對
局探鈎各擅場共勸一杯還一歲萬年長此祝
君王

陪文太史徵仲修楔桃花園

風日喜臨佳節好林亭更愛小葶藥欄舞蝶
雙雙戲花沼群魚隊隊遊旋摘園蔬當鷄黍新
栽徑竹間葵榴亦知生計湏農圃便擬青門老
一丘

立秋日山樓觀雨簡朱日宣

急雨翻盆湖上來好風吹滿最高臺涼生水簾
秋先到病減文園暑盡回失意琴書聊自遣感
時懷抱向誰開朱雲不見空相憶應對山僧弄
酒杯

中秋日西湖舟宴

不登臺集卷之七

十三

朱簾畫舫競遨遊騎吹喧闐集渡頭繞岸山圍
青作障重湖波淨綠如烟籠樹色含微雨風
引荷香接素秋今古繁華歌舞地東南佳麗帝
王州

九日雨花臺諸僚友宴集

高臺登眺俯神京令節歡遊出鳳城晴日滿山
羅綺隊香風隨路管絃聲江空落木孤帆急野
曠寒雲一鴈驚陶令孟嘉俱已矣紫萸黃菊倍
關情

九日陳太守允揚邀登峴山

澄湖碧水映晴空寶地青山列梵宮坐擁笙歌
娛九日亭邀冠蓋會群公黃花滿徑垂秋露畫
角層城度晚風樂矣登高還作賦忘懷真與孟
嘉同

登大茅峰

三茅峰並翠岩堯宮觀參差傍赤霄歷井漸疑
天闕近乘風猶阻帝臺遙空中玉節元君降殿
裡珠衣羽士朝安得異人傳祕術凌雲徒有思
飄飄

觀碧巖瀑布泉

不肖臺先生集卷之七

西

岩堯石磴躡香臺翠壁飛泉響萬雷急雨倒懸
珠沫亂微風斜颺水簾開銀河似向空中落素
練遙從望裏來廬嶽誰言過弁嶺碧巖今擬作
天台

蘇灣山面碧浪湖其下有田可買頗懷

築室之志苦貧無貲作此解嘲

山田十畝傍湖陰草屋三間對竹林地占清幽
宜卜築天教閒散得登臨葛洪自有移家志陶
令能無結社心已矣謀生真計拙東西南北任
浮沉

湖上觀雨

湖氣昏昏雨欲來，山嵐如瘴蔽樓臺。
瑣窗白晝霾陰霧，巖壑清秋起暴雷。
雷落雁漸依漁網，集歸鴉遙帶客帆迴。
書空終日知何益，且復陶然進一杯。

桃花園

新遊近築桃花塢，僻寂城闌遠市喧。
紅槿離疎環曲岸，綠楊池小面幽軒。
時邀賓客教閒逕，日課兒童學灌園。
乘興再來看芍藥，一尊相賞過郊原。

采香涇新莊

誅茅閭闔城之西路，轉采香涇上隄濃。
陰榆柳綠當戶秀，色芙蓉紅滿谿力田。
輸稅半栽林鑿沼，養魚兼灌畦。
每愧長公高隱志，杜門從此可幽棲。

幽棲

張鞏字長公

黃山草堂成

小堂僻寂橫塘濱，溪水曲曲桃花新。
古榆高柳自成墅，沙鴨野鷗時近人。
邵園瓜熟足生計，蔣徑草荒無雜賓。
長夏江村更何事，釣竿終日坐垂綸。

垂綸

灌園作

綠水青門一畝宮土墻茅舍百花叢霜前早橘
已如錦秋後疎荷猶自紅抱甕還同漢陰叟避
秦豈學東園公臨流濯足不歸去酒熟隔離呼
老農

詠白燕

燕燕差池繞畫堂驚看縞素雪衣娘梨花月冷
迷春夢柳絮風輕淡曉粧巷口誰家營玉壘亭
中何日舞霓裳不須更詠空梁什飛去飛來總
斷腸

天
履基先生集卷之七

六

池蓮盛開清晨往觀

林塘開滿芰荷花波面晨粧亂綵霞簇簇紅衣
承日整娟娟翠蓋倚風斜滿房新子含蜂窠萬
顆明珠滾露華避暑祇宜河朔飲習池亭似野
人家

連理秋蘭詩 有引

余自西粵携歸秋蘭三本今歲季夏
花盛開竒芬秀色迥異常品中有兩
花駢而為一合蒂聯莢又不特連理
並頃而已客有以為瑞者喜而賦之

幽蘭呈瑞挺芳蕤，
紉就同心佩陸離。
兩兩紫英開並蒂，
雙雙綠萼綴連枝。
謝庭玉樹真堪侶，
楚畹瑤葩未足竒。
向晚光風更吹拂，
月華香霧坐相宜。

客去

茂陵歸後日書空，
壯志銷零歲不同。
俗事厭聞緣耳洗，
新文喜誦為頭風。
右軍山下鷺成字，
陶令籬邊菊幾叢。
薄暮問竒人已散，
倚欄翹首送飛鴻。

同孫行人文會飲胡安定墓下

六韋先生集卷之七

七

澗水潺潺響白雲，
空山伐木聲相聞。
林深過客畏虎跡，
地僻居人馴鹿群。
密竹短牆圍梵院，
高松細路轉胡墻。
花時莫負春游興，
共爾狂歌醉夕曛。

江寺副于春過飲橫塘莊遂同泛石湖
每逢北使問京華，
忽漫停驂野客家。
小飲花前張草具，
勝遊湖上附仙槎。
納涼宴坐迎風便，
聯句忘歸恨日斜。
恠爾別來才思進，
江淹今已筆生花。

宿大司空安仁劉公山莊二首

桑麻彌望原田繞竹樹成行澗道分舟楫時通
具區水軒窓朝起弁山雲蕭疎生計漁樵事淡
泊機心麋鹿群此地何如簪組貴野人休更勤
移文

憶昨追趨畫省中自公多暇日相從豈知朝市
浮雲變猶喜江湖握手逢山靜停杯聞木葉夜
闌秉燭看芙蓉求田問舍能無意比里南隣作
老農

宿施憲副聘之古朴樓

丈人宅子若谿濱余亦乘舟訪隱淪高樓遠望

入聲堂至卷之七

丈一

見百里古樹濃陰遮四隣隙地種桑知有利薄
田栽芋豈憂貧細談往事傷心極湖海棲棲歎
此身

盧師陳卜居城東携酒相願

長安城東新卜居閉戶蕭然只著書苑靜烟霞
聯禁密官清鳥雀下庭除論文苦愛高人傳好
客時來長者車躍馬携壺相問訊為余沽酒解
銀魚

卧病桃花園文太史期過訪詩以速之

闔閭城北桃花園桃花夾塢如桃源一春病肺

惟高枕終日著書長閉門耽幽苦憶山林僻好
靜翻嫌鳥雀喧報道羊求不時到幾迴開徑候
高軒

過仲兄謝湖別業

五湖一曲輞川莊修竹千竿蔽草堂素練繞門
秋水淨翠屏當戶晚山蒼窮愁亦有田園樂習
靜能無著述忙弟勸兄酬自茲始也須斗酒醉
柴桑

伯兄携酒肆志園賞菊

天明折簡報花開日午移舟載酒來荷鍾親除

不齊先生集卷之七

九

蔣生徑解衣同醉陶潛杯幽姿百種嬌風榭冷
艷千叢裊露臺此日共歌棠棣什伊予慙乏惠
連才

夜飲仲兄山莊

斜日携壺叩竹扉長公扶病倒荷衣避賢轉詫
交遊散樂聖休論世態非興劇酒隨紅燭盡狂
來歌逐綵雲飛中天月色真如畫不羨山陰雪
裏歸

許溪草堂為朱天民賦

許溪新卜草堂幽况有漁磯枕碧流一徑榆陰

不知暑四窓山色更宜秋
楓林散步吟紅葉水檻閒
凭對白鷗羨子高情同魯
望筆牀茶竈只扁舟

題陳職方魯得五山別業

嘗聞五老匡廬勝豈識閩
中五馬山天外層巒同縹
緲雲端飛澗並潺湲蒼蒼
秀色時當戶寂寂幽棲日
閉關何用拂衣遊五嶽羨
君茲地足躋攀

題孫秀才菰城別業

土城傳自春申築山館今
為武子居窓引溪雲飛白
鳥池通湖水浴紅蕖桑洲
隱隱菰蒲亂樵路迢迢竹
樹踈羨爾投戈習文藝閉
門讀盡艱侯書

送大司徒鄒公歸湖南

懇辭榮祿思田里竟解朝
簪別帝闈優詔特教馳驛
去明時何以拂衣歸兩都
錢穀誰能計八座功名世
所希國有老成天下福士
人徒爾羨知幾

送戴孟光宰金壇

建業關河拱帝居金壇風
俗類秦餘華陽洞

闕仙人錄句曲山藏太史書鷄犬千家花縣靜
絃歌終日訟庭虛飄飄銀漢星槎去卧病文園
獨曳裾

送湯太史時敏謫官安慶

嗟君謫宦意何如僕馬星言畏簡書江水遠浮
天柱閣楚雲時傍小孤舒每司簿領趨公府曾
捧絲綸侍石渠不爰 皇恩召宣室長沙無用
弔三閭

送南仁父守徽州

三載西曹為大夫金章象簡出皇都使君五馬
初乘傳漢室諸侯重剖符春雪消時河水發亂
山深處郡堂孤知君不薄新安守訟簡風清一
事無

送人官南康

羨君作宦南康州廬嶽崔巍擁上流瀑布銀河
當面落香爐雲氣半空浮江花自發匡君廟山
月長懸謝客樓幕下公餘倘無事為尋彭澤菊
花秋

送人游洞庭

洞庭天險東西峙震澤波濤混太清萬石雲霞

開錦繡千林風雨雜簫笙
毛公壇下藏金籙鹿
飲泉頭濯素纓閉戶著書
五石有意何時與子避
浮名

虜退二首

昨聞胡馬寇榆林今喜元戎奏捷音
選士防秋徵六郡出師終日費千金
風清細柳鏡歌動月滿棘門殺氣陰
蠢爾匈奴猶未滅諸君宜軫濟時心

陰山西去草蕭蕭飛將誰能捉射鵰
當寧聞鼙思頗牧軍中投石望嫖姚
虎符夜發抽兵急羽

不置書先生集卷之七

三

檄晨馳轉餉遙邊務即今彫敝極願將封事上清朝

山中寄履吉

千山萬山當面迎采秀探竒余獨行
天寒洞庭一水闊落日縹緲孤峯明
草玄吾已欽前輩作賦君今畏後生
若問高陽舊徒侶竹林應有七賢名

法華庵寄吳興諸友

昔愛湖山野寺居今依潯水借精廬
陰陰橘柚開虛館密密桑麻遠曲渠
風土漸於鄉國近壺

觴無柰故人踈年來更有文園病媿似虞卿強
著書

度崑崙關寄馬侍御君卿

崑崙關外即邕州遷客那堪此地遊九折坂盤
疑棧道萬重山險抱江流時平不見干戈警身
病仍聞瘴癘愁五嶺古來無鴈到思君何處慰
離憂

答大司空劉公見懷

北雁南魚各異方吳江越水路茫茫人生聚散
那堪說世事升沉祗自傷十載東山間謝傅幾
時牛渚共袁郎相思獨上高樓望忽接新詩淚
兩行

宗伯昭過訪辱詩奉答

蓬戶蕭然仲蔚居忽傳高士駐文輿憐君失意
長為客顧我窮愁強著書海內獨憐青眼在花
前猶恨綠樽虛石湖新水晴如練好買扁舟看
釣魚

答陳太僕魯南

金陵西望思悠悠苦憶風流老太丘對酒那能
論往事寄詩粗可慰離憂焚魚學士新招隱題

柱仙郎故倦游豈是窟身求負郭祇緣餬口卜
菟裘

答蔡丈九達

一自君王賜五湖閉門高枕著潛夫支離農圃
全踈嬾嘆息交遊半有無金馬門高瞻日月清
楓江冷憶蓴鱸子雲白首真能事草得玄經冠
兩都

答復吉見懷

湖頭新水沒漁磯桑柘青青葉漸稀谿柳晚涼
蟬亂響渚蒲朝霽鶴群飛養生藥物身無恙玩
世功名事已非谷隱巖栖直我願異時浮海莫
相違

施憲副過宿列岫樓辱詩奉答

茗谿惜別動經年吳地相逢倍黯然握手論心
疑夢裡狂歌痛飲對花前高樓只合元龍卧塵
榻寧於孺子懸本為情深遙命駕何須興盡便
迴船

奉次大司馬總督蔡公征黎二首

羽檄星馳出鳳城虎符風發集狼兵軍容坐撼
山川動殺氣先回草木生王節臨邊蠻霧靜樓

船橫海瘴烟清
朱厓此日封京觀
麟閣他年勒姓名

交南新築受降城
海外親提十萬兵
專闢功高推大將
請纓心壯笑書生
棘門風急朱旗捲
幕府霜寒畫角清
露布早馳黎母捷
磨崖誰數伏波名

次電白觀海

電白城高海上開
飛樓千尺俯蓬萊
三山隱見從空起
八極溟濛入望來
蜃氣朝蒸疑是霧
潮聲晝湧忽如雷
遙思驅石當年事
直欲乘槎去

大戴先生集卷之七

十五

復回

次遂溪書事

荒村古堞樹陰陰
下馬停車試一臨
城郭蕭條經戰後
山川搖落對秋深
劉琨報主聞鷄舞
諸葛匡時抱膝吟
北虜南蠻憂不細
江湖空有廟廊心

次文太史見寄

愁緒搖搖似旆旌
每懷前輩有儀刑
高公詩寄題人日
方朔名傳是歲星
吳苑菊荒三徑在
楚江雲遠數峯青
折腰五斗緣何事
休恠楊雄憶

草亭

衡藩重刻眉臺先生集卷之七

天爵先生集卷之七

五

衡藩重刻胥臺先生集卷之八

五言排律

南都紀遊

元王聽朔奉天殿

廷對

入館呈諸君

寄壽太傅木齋謝公三十韻

紫陽菴

張氏園亭

遊張公洞簡宜興令谷嗣興

天香堂先生集卷之八

答谷嗣興游虎丘見憶

自夏徂秋候 旨未得歸

南嶽登絕頂

送張漁卿歸賦溪

送莫水部子良歸華亭

賦得桃花洞贈李正父

七言排律

寄上大宗伯石潭汪公

桂林卧病書懷

秋菊盈園客至輒醉效白太傅體作

五言新體

江都陳娥許嫁姑蘇崔生強暴將奪之抱
節而死二首

六言

莊居二首

春日肆志園漫興五首

石湖次彭孔加韻

芳春樓

飛麗亭

寒玉泉

大厓先生集卷之八

衡藩重刻胥臺先生集卷之八

明吳郡胥臺山人來袞求之甫 著

長洲後學甥蔡亭張炳忠蓋甫 校

南都紀遊

六合齊文軌多方協帝猷山河包魏闕日月拱
神州佳氣瞻閭闔光華憶冕旒樓臺三輔曉風
物五陵秋財賦東藩會網維北極侔寢園囊矢
服武衛擁貔貅地接王公館花迎伎女舟通衢
分列騎官柳引鳴騶濟濟來陽禹彬彬奮祖劉
威儀方陋漢制作遠追周

元正聽朔奉天殿

宵炬開閭闔晨鍾警未央穆清頒象魏斧戾翼
旂常庭實輸文陛宮縣合洞房鸞和瞻至上獸
舞儼成行土德三元會乾文七曜光履端申歲
事敬授稟王章協律調玄籥司儀肅衣裳春融
仙掌露寒薄玉戈霜銅渾初昏轉階墜五月芳
苔痕疑隱綠柳色半舒黃綵帖鏤金薄椒花薦
羽觴雲官歌萬壽太皞肇東方靈沼流澌釋新
田土脉張九衢揚木鐸千畝勸公桑翼翼宸維
正魏魏帝座昌都俞欣道泰游豫悅時康

廷對

警蹕臨軒出公車待詔來羽林羅廣陞法從擁
蓬萊天語絲綸密人文日月開非熊勞夢寐調
鼎想鹽梅喜起瓊龍會條陳董賈才小儒真忝
竊拜手咏康哉

入館呈諸君

卒業銅龍署從游金馬門吹噓忝嘉薦感激荷
殊恩朝散花迎珮公餘月滿軒槐陰親凡席鶴
舞對琴尊竊祿多遊豫披文共討論諸君盡材
彥述作冠詞垣

木齋先生集卷之八

四

寄壽大傅木齋謝公三十韻

翊運調樞軸乘時陟廟廊四朝全禮數八座冠
班行名使華夷重功存社稷康鍾彛標事業甲
第聳文章玄化思弘治明公佐 敬皇披鱗輸
骨鯁補衮詠羔羊侍從雲臺下逶迤黼座傍謀
謨勤獻納夙夜慎趨蹌坐視金麻草歸舍玉署
香建明真不朽遭際亦非常共羨時宣召惟知
日贊襄休休綿國脉肅肅布王綱剝復機相倚
艱屯意巨量悲風天地慘遺詔古今傷萬事俄
然改孤忠誓敢忘危機嘗虎口正色忤豺狼幸

遂明農願終傳辟穀方斯文關泰否五道下行
藏謝傳東山墅裴公綠野堂升沉更世代盤錯
歷風霜訪落勞存問徵書荷寵光安車迎再四
東帛備玄黃虛位相推讓趨朝勉對揚主恩未
不忝臣節去彌芳明哲身能保林泉志竟償羽
儀尊恭華桃李望門墻世祿誇名閥詞林有令
郎伊余蒙品藻美烈媿鋪張未及陪珠履徒懷
奉羽觴佇瞻南極下遙祝壽無彊

紫陽菴

複磴上重重靈關訪赤松壇危瑤草含竈廢白

不齊先生集卷之

五

雲封珠鳥懷實馭星旌想道蹤丹砂難變化紫
汞費陶鎔海上方無驗桃源路莫從何當棄家
室緱氏尙相逢

張氏園亭

未窮游覽興延賞辟疆園戚里聯閭闔椒房冠
掖垣遡風排繡闥納月啓華軒芳沼芙蓉列幽
庭翡翠翻鶯花疑杜曲水物愛桃源歸騎林塘
晚昏鴉樹樹喧

游張公洞簡宜興令谷嗣興

靈洞虛窓豁香臺曲磴連陰陽開福地日月闕

人天度險高還下探竒折更旋浮嵐迷晦黑怪
石駭騰騫色雜丹青飾形疑鍾磬懸把杯承乳
溜張炬認芝田羽化窮幽訣霄昇想秘詮寶符
何在矣丹竈尚依然浩蕩歡方洽飄飄思入玄
因懷葉縣宰鳧舄望翩翩

答谷嗣興游虎丘見憶

仙宰鳴琴暇旃林駐節游河山標上界物序賞
初秋遐眺憑危閣高攀峻峻丘花迷芝蓋轉泉
涌羽觴浮陰壑碑文蝕玄宮劍氣流霸圖還憶
古勝槩屢窮幽錦札勞題贈瑶麾阻獻酬無緣
同惠速送汝虎溪頭

不齊先生集卷之六

六

自夏徂秋候 旨未得歸

徂暑慙流滯何時許罷歸過湘無鴈到望闕有
魂飛拙宦心真懶傳經事已非周任稱就列梅
福嘆知幾瘴癘炎州劇萼鱸澤國肥江湖隨處
好早晚築漁磯

南嶽登絕頂

南嶽勢何雄高高聳祝融目窮三楚盡身在九
霄同雪瀑懸銀漢星梁跨綵虹古臺朝望日陰
徑晝乘風虞狩遺踪杳仙昇往事空坐觀飛雨

至雲氣起封中

送張濂卿歸賦溪

長聞賦溪勝何日五湖游山指洞庭去水從天
目流草荒巖子墓橋泊范公舟錦浪迷紅芰清
波戲白鷗菱歌花裡出畫槳錦中浮君去秋應
盡霜楓滿渡頭

送莫水部子良歸華亭

華亭生二陸之子熟三墳月露卑今體陽春慕
古文清逾何水部俊掩鮑參軍錢穀寧勞汝林
泉獨見君告歸辭綬冕消暍卧松雲海上方堪
試天台藥可分丹砂延壽命竹素累功勳玄草
如刊定魚箋好寄聞

賦得桃花洞贈李正父

聞子幽棲處桃源路不迷崇臺窺鷲嶺別業對
花溪竹樹攢危壑烟霞斷石梯桑麻墟里接鷄
犬白雲低中有長生客金丹竈已泥他年問津
去相訪武陵西

寄上大宗伯石潭汪公

高卧東山老秩宗懇辭榮祿遂明農丹心魏闕
孤臣淚白首江湖萬事慵侍從三朝真感激官

居八座亦遭逢美名久矣人爭慕直道由來世
不容薊北周南雲杳杳吳山楚水路重重鴈歸
彭蠡知何處家住匡廬第幾峰棠棣花前紛屢
舞鵲鴿原上喜相從市朝莫問多更改兄弟遙
應盡友恭未及識荆瞻氣象曾因御李荷陶鎔
佇看瑚璉登清廟莫學神仙事赤松

桂林卧病書懷

南中春半已飛花客裏傷春更憶家舊說炎荒
雄象郡今來卑濕倍長沙山嵐弄雨初疑霧海
氣披晴忽變霞香杳蒼梧分嶺外迢迢銅柱極

天全堂先生集卷之八

八

天涯殊方物候偏驚早到處夷風未慕華月報
峒蠻騷戍堡時傳江獍劫鹽楂投戈共喜交州
順游金猶嫌荔浦譚遠道甲兵愁阻絕羸軀活
瘡苦交加折腰元亮辭先賦病肺相如思轉餘
鼓柁新秋還甫里杜門終日卧官衙尊鱸自足
供饘粥蕙苾休教載使車莫惟掛冠胡太早二
毛無意戀烏紗

秋菊盈園客至輒醉效白太傅體作

小園無日不花開更喜黃花滿徑栽謝病長卿
拋著述避人陶令賦歸來霜枝高下依朱檻露

蓋浮沉薦羽杯日引兒童相燕賞時邀鄰曲坐
莓苔香氛似入芝蘭室叢艷爭看錦繡堆豈羨
李倫金谷好已拚李白玉山頹酒中深趣真堪
樂身外浮名祇是災但使有花無俗客百年知
醉幾千迴

江都陳娥許嫁姑蘇崔生強暴將奪之

抱節而死二首

生存異鄉縣死逝異墳丘單鳧違昔侶隻鳳失
今儔願結來生誓還同一處遊

妾顏花比豔妾命草同彫寶幔空塵積泉臺詎

大齊先生集卷之

九

恨銷貞魂應不散暮雨復雲朝

莊居二首

百疊山圍屋角一灣水繞門前試問橫塘風景
何如灤西輞川

避客誅茅山郭養痾却掃衡門焚香終日靜坐
荷鋤有時灌園

春日肆志園漫興五首

一瓢逍遙農圃千駟笑傲王侯尼父從吾所好
於陵與世無求

粉牆綠垂楊柳溪水紅映桃花山店酒旗高颺

江津漁鼓頻搥

床頭濁酒初熟園裡好花競開莫笑潘郎拙宦
偶同陶令歸來

梨花一番細雨戴勝百轉和風白白新鶯戲水
雙雙舞蝶穿叢

風顛雨橫無賴花落花開不知忽見簾櫳新燕
忍看庭院殘枝

石湖次彭孔加韻

秀嶺雲藏鳳剎澄湖月偃虹梁風帆遠隨落鴈
漁網高掛斜陽

入脣臺先生集卷之

十

芳春樓

花氣遲遲春晝花陰寂寂春宵素女臺前掛鏡
玉人樓上吹簫

飛麗亭

朱拱春鶯對轉繡簾朝燕雙飛借問蘭亭綺麗
何如金谷芳菲

寒玉泉

千挺琅玕濯雨四簷環珮鳴風湘簾不知炎暑
北窓高卧誰同

衡藩重刻脣臺先生集卷之八

